

四

部

備

要

卷八

韋蘇州集

章蘇州集序

韋蘇州唐史不載其行事林寶姓纂云周道遙公賁之後左僕射扶陽公待價生司門郎中令儀令儀生繼變生應物應物生監察御史河東節度掌書記慶復李肇國史補云爲性高潔鮮食寡欲所居焚香掃地而坐其爲詩馳驟建安已遺各得風韻詳其集中詩天寶時屬從遊幸疑爲三衛永泰中任洛陽丞京兆府功曹大曆十四年自鄂縣令制除櫟陽令以疾辭歸善福精舍建中二年由前資除比部員外郎出爲滁州刺史改刺江州追赴闕改左司郎中貞元初又歷蘇州罷守寓居永定精舍其後事迹究尋無所見肇又云開元以後位卑而著名者李北海王江寧李綰陶鄭廣文元魯山蕭功曹張長史獨孤常州崔比部梁補闕韋蘇州以集中事及時人所稱考其仕宦本未得非遂止於蘇邪案白居易蘇州答劉禹錫詩云敢有文章替左司左司蓋謂應物也官稱亦止此有集十卷而綴敘猥并非舊次矣今取諸本校定仍所部居去其雜廁分十五總類合五百七十一篇題曰韋蘇州集舊或云古風集別號續上西齋吟藁者又數卷可以繕寫嘉祐元年十二月二十二日太原王欽臣記

韋蘇州集卷第一

蘇州刺史韋應物

古賦一首

冰賦

雜擬二十一首

擬古詩十二首

雜體五首

與文生野飲效陶體一首

效何水部二首

效陶彭澤一首

燕集二十一首

大梁亭會李四栖梧作一首

燕李錄事一首

淮上喜會梁川故人一首

揚州偶會前洛陽盧耿主簿一首

賈常侍林亭燕集一首

月夜會徐十一草堂一首

移疾會詩客元生與釋子法朗因貽諸曹一首

慈恩伽藍清會一首

夜偶詩客擇公作一首

與韓庫部會王祠曹宅一首

晦日處士叔園林燕集一首

扈享西陂燕賞一首

西郊燕集一首

春宵燕萬年吉少府中孚南館一首

滁州園池燕元氏親屬一首

韋蘇州集 卷一

郡樓春燕一首

南塘泛舟會元六昆季一首

郡齋雨中與諸文士燕集一首顧況詩附

軍中冬燕一首

司空主簿琴席一首

與村老對飲一首

古賦

冰賦

夏六月白晝當午火雲四至金石灼爍玄泉潛沸雖深居廣廈珍簾輕簾而亦鬱鬱燠燠不能和平其氣陳王於是登別館散幽情招親友以高會尊仲宣爲客卿睹頒冰之適至喜煩暑之暫清王乃詩賓而歌曰含皎皎兮瓊玉姿氣淒淒兮奪天時飲之瑩骨兮何所思可進於賓請客卿爲寡人笑而賦之客諾曰美矣而大王不識其短夫謂之瓊玉竊名器也氣奪天時干陰陽也內熱飲之煤其疾也寵一物而三失德且出寒暑而至下薦宗廟而至高僕竊感之而獻敬安得而不爲之抽毫何積陰之勝純陽兮惟此玄冰居炎天之赫赫兮獨嚴厲乎稜稜其始也月玄冥日北陸天地閉水泉縮動靜一變剛柔反覆壯以烈風積如羣玉由是依廣壇漫憑高嶂嶸大寒御節萬物潛形浮彩浩浩仰吞素靈羣山早曙陰壑夜明古者祭之黑牡其藏以節殺之桃弧其出以潔今明明大魏禮物必備寶大王罇俎之常品非小民造次之所致若尊卑異等領命有度碎似墜瓊方如截璐況粉壁雲臺象筵霜布座有麗人皎然俱素雖來賓之同輝諒爲物之難固其竊名假質以謬一時之賞也如此若乃對脩竹臨方塘俾炎作寒兮反我天常嗟絺綌之失御於三伏兮亦統扇委篋而內傷其嚴迫之威以干陰陽之候也如此若皎潔之蟻與時消釋或沉珠於杯或化藥於掖王將甘飲聊以自適豈知乎一寒一暄日

夜相激久之以生疾今內外不和而怵惕其說意而媒疾也如此觀其劣足以淒一室利庖廚俾甘肥晚敗醇醪不渝非可調湊理安營魄奈何以詩客陳王於是絕然而意曰寡人生於深宮惜於服食左右唯燕姬趙女侈服美色微客卿之言則何以雪余惑方當命有司而撤冰書盤盂以自式

雜擬

擬古詩十二首

其一

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車背鄉園朔風一作吹卷行迹嚴冬霜斷肌日入不遑息憂歡一作懼客髮變寒暑人事易中心君詎知冰玉徒貞白客一作客

其二

黃鳥何關關幽蘭亦靡靡此時深閨婦日照紗一作綺窗裏娟娟雙青娥微微啓玉齒自惜桃李年誤身遊俠子無事久離別不知今生死

其三

峨峨高山巔晚晚青川流世人不自悟馳謝如驚鷗百金非所重厚意良難得旨酒親與朋芳年樂京國京城繁華地軒蓋凌晨出垂楊十二衢隱映金張室漢宮南北對飛觀齊白日游泳屬芳時一云遊冶詠歲時平生自云畢

其四

綺樓何氛氲朝日正杲杲四壁含清風丹霞射其牖玉顏上哀嚶絕耳非世有但感離恨情不知誰家婦孤雲忽無色邊馬爲迴首曲絕碧天高餘聲散秋草徘徊帷中意獨夜不堪守思逐朔風翔一去千里道

其五

嘉樹鵲初綠靡蕪吐幽芳君子不在賞寄之雲路長路長信難越惜此芳時歇孤鳥去不還絨情向天末

其六

月滿秋夜長驚鳥號北林天河橫未落斗柄當西南寒蛩悲洞房好鳥無遺音商飈一夕至獨宿懷重衾舊交日千里隔我浮與沉人生豈草木寒暑移此心

其七

酒星非所酌月桂不爲食虛薄空有名爲君長歎息蘭蕙雖可懷芳香與時息豈如凌霜葉歲暮驚顏色折柔將有贈延意千里客草木知賤微所貴寒不易

其八

神州高爽地遐瞰靡不通寒月野無絲寥寥天宇空陰陽不停馭貞脆各有終汾沮何鄙儉考槃何退翳反志解牽蹶無爲尚勞窮美人奪南國一笑開芙蓉清鏡理容一作雲髮寒簾出深重豔曲呈皓齒舞羅不堪風慄慄情有待贈芳爲我容可嗟青樓月流影君帷中

其九

春至林木變洞房夕含清單居誰能裁好鳥對我鳴良人久燕趙新愛移平生別時雙鸞綺留此千恨情碧草生舊迹綠琴歇芳聲思一作願將魂夢歡反側寐不成羣衣迷所次起望空前庭一云羣衣迷處所夕起望空前庭孤影中自惻不知雙燕零

其十

秋天無留景萬物藏光輝落葉隨風起一作遺愁人獨何依華一作明月圓圓缺君還浩無期如何雨絕天一云如何雲雨絕一去音問一作塵遠

其十一

有客天一方寄我孤桐琴迢迢萬里隔託此傳幽音冰霜中自結龍鳳相與吟絃以明直道一云絃以昭清直漆以固一作形交深

其十二

白日淇上沒空閨生遠愁寸心不可限淇水長悠悠芳樹自妍芳一云自交結又云房櫺正妍芳春禽自相求徘徊東西廂孤妾誰與儔年華逐絲淚一落俱不一作難收

雜體五首

沉沉匣中鏡爲此塵垢蝕輝光何所如月在雲中黑南金既彫錯帶共輝飾空存一作有鑒物名坐使妍蚩感美人竭肝膽思照冰玉色自非磨瑩工日日空歎息

古宅一作半集秋鳥羣號枯樹枝黃昏窺人室鬼物相與期居人不安寢搏擊思此時豈無鸞與鵲飽肉不肯飛既垂逐鳥節空養凌雲姿孤奉肉食恩何異城上鴟

春羅雙鸞驚出自寒夜女心精煙霧色指歷千萬緒長安貴豪家一作室妖豔不可數裁此百日功唯將一朝舞舞罷復裁新豈一作事思勞者苦

同聲自相應體質不必齊誰知買人鐸能使大一作音樂諧鏗鏘發宮徵和樂變其哀人神既昭享鳳鳥一作皇亦下來豈非至賤物一奏升天階物情苟有合莫問玉與泥

磧磧荆山璞下和獻君門荆璞非有求和氏非有恩所獻知國寶至公不待言是非吾一作語欲欲此道今豈存

與友生野飲效陶體

攜酒花林下前有千載墳於時不共酌奈此泉下人始自翫芳物行當念徂春聊舒遠世蹤坐望還山雲且遂一懽笑焉知賤與貧

效何水部二首

玉宇含清一作秋露香籠散輕煙應當結沉抱難從茲夕眠

夕漏起遙想蟲響亂秋陰反覆相思字中有故人心

效陶彭澤

霜露悴百草時菊獨妍華物性有如此寒暑其奈何撥英泛濁醪日入會田家盡醉茅簷下一生豈在多

燕集

大梁亭會李四栖梧作

梁王昔愛才千古化不泯平聲至今蓬池上遠集八方賓車馬平明合城郭滿埃塵逢君一相許豈要平生親入仕三十載如何獨未伸英聲久籍籍臺閣多故人置酒發清彈相與一作著樂佳辰孤亭得長望白曰下廣津富貴良可取一作求竭來西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑經過處雪下驪山沐浴時近臣零落今猶一作誰在仙駕飄飄不可期此日相逢一作逢君思一作非舊日一杯成喜亦一作又成悲

淮上喜會梁川故人

江漢曾爲客相逢每醉還浮雲一別後流水十年間歡笑情如舊蕭疎鬢已班何因北一作不歸去淮上對一作有秋山

揚州偶會前洛陽盧耿主簿應物頃貳洛陽常有連騎之遺楚塞故人稀相逢本不期猶存袖裏字忽怪囊中絲客舍盈樽酒江行滿篋詩更能連騎出還似洛橋時

賈常侍林亭燕集

高賢侍天階一作陸跡顯心獨幽朱軒驚關右池館在東周繚繞接都城飢飢望高丘羣公盡詞客方駕永日遊朝旦氣候佳逍遙寫煩憂綠林鶴已布華沼澹不流凌露摘幽草涉煙翫輕舟圓荷既出水廣廈可淹留放神遠所拘觥罰屢見酬樂燕良未極安知有沉浮醉

罷各云散何當復相求

月夜會徐十一草堂

空齋無一事岸幘故人期暫輟觀書夜還題詠月詩遠鐘高枕後清
露卷簾時暗覺新秋近殘河欲曙遲

移疾會詩客元生與釋子法朗因貽諸曹

對此嘉樹林獨有感戚顏抱瘵知曠職淹旬非樂閑釋子來問訊詩
人亦扣關道同意一暫遣客散疾徐環園徑自幽靜玄蟬噪其
間高牕瞰遠郊暮色起秋山英曹幸休暇恨恨一作恨恨心所攀

慈恩伽藍清會

素友俱薄世屢招清景實鳴鍾悟音開宿昔心已往重門相洞達高
宇亦還一作通朗風嶺曉曉城分清陰夏條長一作清條長陰長風氣
芳臺馥蕭散竹池廣平荷隨波泛迴瀾激林響蔬食遵道俗泊懷遺
滯想何彼塵昏人區區在天壤

夜偶詩客操公作

塵襟一蕭灑清夜得禪公遠自鶴林寺了知人世空驚禽翻暗葉流
水注幽叢多謝非玄度聊將詩興同

與韓庫部會王祠曹宅作

閑一作開門庭堤柳秋渠含夕清微風送荷氣坐客散塵纓守默共
無悽抱冲俱寡營良時頗高會琴酌共開情

晦日處士叔園林燕集

遽看葉盡坐關芳年賞賴此林下期清風滌煩想始萌動新胸佳
禽發幽響嵐嶺對高齋春流灌蔬壤罇酒遺形迹道言屢開筵幸蒙
終夕懽聊用稅歸鞍

履亭西陂燕賞

杲杲朝陽時悠悠清陂望嘉樹始氣氤春遊方浩蕩況逢文翰侶愛
此孤舟漾綠野際遙波橫雲分疊嶂公堂日爲倦幽襟自茲曠有酒

今滿盈願君盡弘量

西郊燕集

濟濟衆君子高宴及時光羣山霧退曠綠野布熙陽列坐遵曲岸披
襟藋蘭芳野庖薦嘉魚激澗泛羽觴衆鳥鳴茂林綠草延高岡歲時
易徂謝浩思坐飄颻眷言同心友茲遊安可忘

春宵燕萬年吉少府中孚南館

始見斗杓迴復茲霜月霽河漢上縱橫春城夜迢遞賓筵接時彥樂
燕凌芳歲稍愛清觴滿仰歡高文麗欲去返郊扉端爲一歡滯

滁州園池燕元氏親屬

日暮遊清池疏林羅一作籠高天餘綠飄霜露夕氣變風煙水門架
危閣竹亭列廣筵一展私烟檀屢歎芳罇前感往往茲會傷離屬頽
年明晨復云去且願此留連

郡樓春燕

衆樂雜軍鞞高樓邀上客思逐花光亂賞餘山景夕爲郡訪彫瘵守
程難損益聊假一杯歡暫忘終日迫

南塘泛舟會元六昆季

端居倦時煥輕舟泛迴塘微風飄襟散橫吹繞林長雲澹水容夕雨
微荷氣涼一寫悵勤意一云川上意寧用訴一作計華觴

郡齋雨中與諸文士燕集

兵衛森畫戟宴寢凝清海上風雨至道遙池閣涼煩痼近一作正
消散嘉賓復滿堂自慙居處崇未親斯民康理會是非遺性達形迹
志鮮肥腸時禁蔬果幸見嘗俯飲一杯酒仰聆金玉章神歡體自輕
意欲凌風一作雲翔吳中感文史羣彥今汪洋方知大藩地一作盛
豈曰財賦疆

奉同郎中使君郡齋雨中宴集之什州民朝議郎行饒州司
士參軍員外置同正員顧況

好鳥依嘉樹飛雨灑高城況與數一作古君子列座分兩楹一作公
南樓文雅一何麗一作盛林堂舍餘清我公未歸期遊子不待晴白
雲帝鄉遠滄江楓葉鳴拜手欲無言零泪如一作和酒傾寸心已摧
折別離方骨驚安得凌風翰肅肅賓天京

軍中冬燕

滄海已云晏皇恩猶念勤式燕徧恆秩柔遠及斯人茲邦實大藩伐
鼓軍樂陳是時冬服成戎士氣益振虎竹謬朝寄英賢降上賓旋罄
周旋禮婉無海陸珍庭中丸劍闌堂上鼓吹新光景不知晚觥酌豈
言頻單醪昔所感大醪況同忻願謂軍中士仰答何由申

司空主簿琴席

煙華方散薄蕙氣猶含露澹景發清琴幽期默玄一作云悟留連白
雪意斷續迴風度掩抑雖已終忉忉在幽素

與村老對飲

鬢眉雪色猶嗜酒言辭淳朴古人風鄉村年少生離亂見話先朝如
夢中

韋蘇州集卷第一

韋蘇州集卷第二

蘇州刺史韋 應物

寄贈上六十二首

城中臥疾知閨薛二子屢從邑令飲因以贈之一首

聽嘉陵江水聲寄深上人一首

高陵書情寄三原盧少府一首

假中對雨呈縣中寮友一首

贈蕭河南一首

示從子河南尉班一首

趨府候曉呈兩縣寮友一首

贈李儋一首

贈盧嵩一首

寄馮著一首

早春對雪寄前殿中元侍御一首

贈王侍御一首

將往江淮寄李十九儋一首

自鞏洛舟行入黃河卽事寄府縣僚友一首

寄盧庚一首

發廣陵留上家兄兼寄上長沙一首

初發楊子寄元大校書一首

淮上卽事寄廣陵親故一首

寄洪州幕廬二十一侍御一首

經少林精舍寄都邑親友一首

同長源歸南徐寄子西子烈有道一首

雪中聞李儋過門不訪聊以寄贈一首

同德精舍養疾寄河南兵曹東廳掾一首

同德寺兩後寄元侍御李博士一首

同德閣期元侍御李博士不至各投贈二首

使雲陽寄府曹一首

過扶風精舍舊居蘭朝宗巨川兄弟一首

贈令狐士曹一首

贈馮著一首

對雨寄韓庫部協一首

寄子西一首

縣內閑居贈溫公一首

對雪贈徐秀才一首

西郊遊宴寄贈邑僚李巽一首

對雨贈李主簿高秀才一首

休沐東還冒雨里示端一首

朝請後還邑寄諸友生一首

澧上西齋寄諸友一首

獨遊西齋寄崔主簿一首

紫閣東林居士叔絨賜松英丸捧對欣喜蓋非塵侶之所當

服輒獻詩代啓一首

秋集罷還途中作獻壽春公一首

閑居贈友一首

四禪精舍登覽悲舊寄朝宗巨川兄弟一首

善福閣對雨寄李儋幼遐一首

寺居獨夜寄崔主簿一首

九日澧上作寄崔主簿倕二季端繫一首

西郊養疾閑暢校書有新什見示久佇不至先寄此詩一首

澧上寄幼遐一首

善福精舍示諸生一首

晚出澧上贈崔都水一首

寓居澧上精舍寄千張二舍人一首

開元觀懷舊寄李二韓二裴四兼呈崔郎中嚴家令一首

春日郊園寄萬年吉少府中孚三原元少府偉夏侯校書審

一首

澧上醉題寄滌武一首

西郊期滌武不至書示一首

澧上對月寄孔諫議一首

將往潞城戀新竹簡崔都水示端一首

還關首途寄精舍親友一首

秋夜南宮寄澧上二弟及諸生一首

塗中書情寄澧上兩弟因送二甥却還一首

雪後下朝呈省中一絕

寄贈上

城中臥疾知閨薛二子屢從邑令飲因以贈之

車一作良馬日蕭蕭胡不枉一作在我廬方來從令飲臥病獨何如

秋風起漢一作江皋開戶望平蕪即此悵一作種音素一作表焉知

中密疎渴者不思火寒者不求水人生羈寓一作旅時去就當如此

猶希心異跡一作從利心甚異眷眷存終始

聽嘉陵江水聲寄深上人

整屋泄奔湍稱古神馬跡夜喧山門店獨宿不安席水性自云一作

為靜石中本無聲如何兩相激雷轉空山驚貽之道門舊了此物我

情

高陵書情寄三原盧少府

直方難爲進守此微賤班開卷不及顧沉埋案牘間兵凶久一作五

相踐舊賦豈得閑促戚下可哀寬政身致患日夕思自退出門望故

山君心儻如此攜手相與還

假中對兩呈縣中僚友

卻足甘一作華爲笑閑居夢杜陵殘鷺知夏淺社一作時雨報年登

流麥非關忘收書獨不能自然憂曠職誠此謝良朋

贈蕭河南

厭劇辭京縣襄賢待詔書鄴侯方繼業潘令且閑居露後三川冷秋

深一作餘萬本疎對琴無一事新興復何如

示從子河南尉班并序

承泰中余任洛陽丞以撲撲軍騎時從子河南尉班亦以剛直爲政

俱見訟於居守因詩示意府縣好我者豈曠斯文

拙直余恆守公方爾所存同占朱鳥剋俱起小人言立政思懸棒謀

身類觸藩不能林下去祗戀府廷恩

趨府候曉呈兩縣僚友

趨府不違安中宵出戶看滿天星尚在近壁燭仍一作猶殘立馬頻

驚曙垂簾却避寒可憐同宦者應一作始恒下流難

贈古儔

絲桐本異質音響合一作今自然吾觀造化意二物相因緣誤觸龍

鳳鳴靜聞寒夜泉心神自安宅煩慮頓可捐何因知久要絲白漆亦

堅

贈盧嵩

百川注東海東海無虛盈泥滓不能濁澄波非益清恬然自安流日

照萬里晴雲物不隱象三山共分明奈何疾風怒忽若基柱傾海水

雖無心洪濤亦相驚怒號在倏忽誰識變化情

寄馮著

春雷起萌發土壤日已疎胡能遭感明才俊伏里閭偃仰遂真性所

求唯斗儲披衣出茅屋盤漱臨清渠吾道亦自適退身保玄虛幸無
職事牽且覽按上書親友各馳騁誰當訪弊慮思君在何夕明月照
廣除

早春對雪寄前殿中元侍御

掃雪開幽徑端居望故人猶殘臘月酒更值早梅春幾日東城陌何
時曲水濱聞閑且共賞莫待繡衣新

贈王侍御

心同野鶴與塵遠詩似冰壺見底清府縣同趨昨日事升沉不改故
人情上陽秋晚蕭蕭雨洛水寒來夜夜聲自歎猶爲折腰吏一作客
可憐驄馬路傍行

將往江淮寄李十九僑余自西京至李又發河洛河道不通

驚鷺東向來文鷁亦西飛如何不相見羽翼有高卑徘徊到河洛華
屋未及窺秋風飄我行遠與淮海期回首隔煙霧遙遙兩相思陽春
自當返短翮欲追隨

自鞏洛舟行入黃河即事寄府縣僚友

夾水蒼山路向東東南山豁大河通寒樹依微遠天外夕陽明滅亂
流中孤村幾歲臨伊岸一鴈初晴下朔風爲報洛橋遊宦侶扁舟不
繫與心同

寄盧庾

悠悠遠離別分此歡會難如何兩相近反使心不安亂髮思一櫛垢
衣思一浣驚豈如望友生對酒起長嘆時節異京洛孟冬天未寒
廣陵多車馬日夕自遊盤獨我何耿耿非君誰爲歎

發廣陵留上家兄兼寄上長沙

將違安可懷宿戀復一方家貧無舊業薄宦各飄飄執板身有屬淹
時心恐惶拜言不得留聲結淚滿裳襟漾漾動行舫亭亭遠相望離晨
苦須臾獨往道路長蕭條風雨過得此海氣涼感秋意已違況自結

中腸推道固當遣及情豈所忘何時共還歸舉翼鳴春陽

初發揚子寄元大校書

悽悽去親愛泛泛入煙霧歸棹洛陽人殘鍾廣陵樹今朝此爲別何
處還相遇世事波上舟淞泖安得住

淮上即事寄廣陵親故

前舟已眇眇欲渡誰相待秋山起暮鍾楚雨連滄海風波離思滿一
作遠宿昔容髮改獨爲下東南廣陵何處在

寄洪州幕府盧二十一侍御自南昌令拜頃同官洛陽

忽報南昌令乘驄入郡城同時趨府客此日望塵迎文苑臺中妙冰
壺幕下清洛陽相去遠猶使故林榮

經少林精舍寄都邑親友

息駕依松嶺高閣一攀緣前瞻路已窮既詣喜更延出嶽聽萬籟入
林濯幽泉鳴鍾生道心暮磬一作鶴空雲煙獨往雖暫適多累終見
牽方思結茅地歸息期暮年

同長源歸南徐寄子西子烈有道

東洛何蕭條相思遽還路策駕復誰遊入門無與晤一作出入亦無
語還因送歸客達此絨中素屢睽心所歡豈得顏如故所歡不可睽
嚴霜晨淒淒如彼萬里行孤妾守空閨臨觴一長歎素欲何時諧

雪中聞李儋過門不訪聊以寄贈

度門能不訪冒雪屢西東已想人如玉遙憐馬似驄乍迷金谷路稍
變上陽宮還比相思意紛紛正滿空

同德精舍養疾寄河南兵曹東廳掾

逍遙東城隅雙樹寒蔥蒨廣庭流華月高閣凝餘霞杜門非養素抱
疾阻良譙孰謂無他人思君歲云變官曹亮先忝陳躅慙後彥豈知
晨與夜相代不相見絨書問所如一云所知訓藻當分綯

同德寺雨後寄元侍御李博士

川上風雨來須臾滿城關岩嶢青蓮界一作字蕭條孤興發前山遠
已淨陰鷺夜來歇喬木生夏涼流雲吐華月巖城自有限一水非難
越相望曙河一作何遠高齋坐超忽

同德閣期元待御李博士不至各投贈二首

庭樹忽已暗故人那一作何不來祗應歎煩暑永日坐霜臺
官榮多所繫閑居亦倦期高閣猶相望青山欲暮時

使雲陽寄府曹

夙駕祗府命冒炎不遑息百里次雲陽閭閻漂溺上天屢憊氣胡
不均寸澤仰瞻喬樹顛見此洪流跡良苗免湮沒蔓草生宿昔類
滿故墟返喜將安宅周旋涉塗潦側峭緣溝脈仁賢憂斯民賤子甘
所役公堂衆君子言笑思與觀

過扶風精舍舊居簡朝宗巨川兄弟

佛剎出高樹晨光閭井中年深念陳跡追此獨忡忡零落逢故老寂
寥悲草蟲舊宇多改構幽篁延本藜栖止事如昨芳時去已空佳人
亦攜手再往今不同新文聊感舊想子意無窮

贈令狐士曹自八月朔日同使藍田淹留涉季事先半日而

不相待故有戲贈

秋簷一作霜滴滴對床寢山路迢迢聯騎行到家俱及東籬菊何事
先歸半日程

贈馮著

契闊仕兩京念子亦飄蓬方來屬追往十載事不同歲晏乃云至微
褐還未充慘悽遊子情風雪自關東華觴發懽顏嘉藻播清風始此
盈抱恨曠然一夕中善蘊豈輕傳懷才希國工誰當念素士零落歲
華空

對雨寄韓庫部協

颯至池館涼蕭然和曉霧蕭條集新荷氣氤散高樹閑居與方澹默

想心已屢暫出仍濕衣況君東城住

寄子西

夏景已難度懷賢思方續喬樹落疎陰微風散煩燠傷離枉芳札忻
遂見心曲藍上舍已成田家雨新足託鄰素多欲一作願殘秩猶見
東日夕上高齋但望東原綠

縣內閑居贈溫公

滿郭春色風已昏鷗栖散吏掩重門雖居世網常清淨夜對高僧無
一言

對雪贈徐秀才

靡靡寒欲收霽霽陰還結晨起望南端千林散春雪妍光屬瑤階亂
緒陵新節無爲掩扉臥獨守袁生轍

西郊遊宴寄贈邑僚李巽

升陽暖春物置酒臨芳席高宴闕英僚衆賓歡慚是時尚多疊板
築輿頽壁露旅念越疆領徒方祗役如何嘉會日當子憂勤夕西郊
鬱已茂春風重如積何當返但雨雜英紛可惜

對雨贈李主簿高秀才

颶連曙雲薄散漫東風來青山滿春野微雨灑輕埃吏局勞佳士賓
筵得上才終朝狎文墨高興共徘徊

休沐東還寄黃里示端

宦遊三十載田野久已疎休沐遂茲日一來還故墟山明宿雨霽風
暖百卉舒泓泓野泉潔熠熠林光初竹本稍摧翳園場亦荒蕪俯驚
鬢已衰周覽昔所娛存沒惻私懷遷變傷里閭欲言少留心中復畏
簡書世道良自退榮名亦空虛與子終攜手歲晏當來居

朝請後還邑寄諸友生

宰邑分旬服風駕朝上京是時當暮春休沐集友生抗志青雲表俱
踐高世名樽酒且歡樂文翰亦縱橫良遊昔所希累晷夜復明晨露

含瑤琴夕風殞素英一旦遵歸路伏軾出京城誰言再念別忽若千里行閉閣寒窗結幽情況茲畫方永展轉何由平

禮上西齋寄諸友七月中華福之西齋作

絕岸臨西野曠然塵事遙清川下邇迤茅棟上岩峴說月愛佳夕望山屬清朝俯視歸翼開衿納遠颺等陶醉小秩効朱方負機閑遊忽無累心跡隨景超明世重才彥雨露降丹霄羣公正雲集獨予忤寂寥

獨遊西齋寄佳主簿

同心忽已別昨事方成昔幽逕還獨尋綠苔見行跡秋齋正蕭散煙水易昏夕憂來結幾重非君不可釋

紫閣東林居士叔絨賜松英丸棒對忻喜蓋非塵侶之所當服輒獻詩代啓

碧瀾蒼松五粒稀侵雲采去露沾衣夜啓羣仙合靈藥朝思俗侶寄將歸道場肅戒今初服人事章羶已覺非一望嵐峯拜還使腰間銅印與心違

秋集罷還途中作謹獻壽春公黎公

束帶自衡門奉命宰王畿君侯任高鑒舉善掩瑕疵斯民本已安工拙兩無施何以酬明德歲晏不磷緇時節乃來集欣懷方載馳平明大府開一得拜光輝溫如春風至蕭若嚴霜威羣屬所載瞻而忘倦與飢公堂燕華筵禮罷復言辭將從平明道憩車澧水湄山川降嘉歲草木蒙潤滋執云還本品懷戀獨遲遲

閑居贈友

補吏多下遷罷歸聊自度園廬既無沒煙景空澹泊閑居養病療守素甘葵藿顏鬢日衰耗冠帶亦寥落青苔已生路綠筠始分擗夕氣下遙陰微風動疎薄草玄良見謂杜門無請託非君好事者誰來顧寂寞一作誰能

四禪精舍登覽悲舊寄朝宗巨川兄弟

蕭散人事憂迢遶古原行春風日已暄百草亦復生躊躇謁金像攀雲造禪局新景林際曙雜花川上明但歲方緬邈陳事尚縱橫溫泉有佳氣馳道指京城攜手思故日山河留悵情存者覩難見去者已冥冥臨風一長慟誰畏行路驚

善福閣對雨寄李僧幼遐

飛閣凌太虛晨躋鬱嶂巒驚觸懸檻白雲層層竟太陰布其地密雨垂八紘仰觀固不測俯視但冥冥感此窮秋氣沉鬱命友生及時未高步羈旅遊帝京聖朝無隱才品物俱昭形國士秉繩墨何以表堅貞寸心東北馳思與一會并我車風已駕將逐晨風征郊塗住成海默默阻中情

寺居獨夜寄佳主簿

幽人寂不一作無寐木葉紛紛落寒雨暗深更流螢度高閣坐使青燈曉還傷夏衣薄寧知歲方晏離居更蕭索

九日禮上作寄佳主簿倬二李端繫

淒淒感時節望望臨澧渚翠嶺明華秋高天澄遠淙川寒流愈迅霜交物初萎林葉索已空晨禽迎颺起時菊乃盈泛濁醪自爲美良遊雖可娛殷念在之子人生不自省營欲無終已孰能同一酌陶然冥斯理

西郊養疾聞暢校書有新什見贈久付不至先寄此詩

養病愜清夏郊園數卉木窗夕一作戶舍澗涼雨餘愛筠綠披懷始高詠對琴轉幽獨仰子遊羣英吐詞如蘭馥還聞在嘉藻佇望延昏旭唯見草青青閉門澧水曲

禮上寄幼遐

寂寞到城闕惆悵返柴荆端居無所爲念子遠徂征夏晝人已息我懷獨未寧忽從東齋起兀兀尋澗行青墨叢密披說孤花明曠然

西南望一極山水情周覽同遊處逾恨阻音形壯圖非旦夕君子勸
令名勿復久留燕蹉跎在北京

善福精舍示諸生

湛湛嘉樹陰清露夜景沉悄然羣物寂高閣似陰岑方以玄默處豈
爲名跡侵法妙一作泛如不知歸獨此抱冲襟齋舍無餘物陶器與
單衾諸生時列坐共愛風滿林

晚出澧上贈崔都水

臨流一舒嘯望山意轉延隔林分落景餘霞明遠川首起趨東作已
看耘夏田一從民里居歲月再徂遷味質得全性世名良自牽行忻
攜手歸聊復飲酒眠

寓居澧上精舍寄于張二舍人

萬木蓊雲出香閣西連碧澗竹林園高齋猶宿遠山曙微霰下庭寒
雀喧道心淡泊對流水生事蕭疎空掩閤時憶故交那得見曉排闥
聞琴明恩

開元觀懷舊寄李二韓二裴四兼呈崔郎中嚴家令

宿昔清都燕分散各西東車馬行跡在霜雪竹林空方軫故物念誰
復一樽同聊披道書暇還此聽松風

春日郊居寄萬年吉少府中孚三原少府偉夏侯校書審

谷鳥時一轉田園春雨餘光風動林早高窗照日初獨飲澗中水吟
詠老氏書城闕應多事誰憶此閑居

澧上醉題寄綈武

芳園知夕燕西郊已獨還誰言不同賞俱是醉花間

西郊期綈武不至書示

山高鳴過雨澗樹一云林凋落殘花非關春不待當由期自除

澧上對月寄孔諫議

思懷在雲關泊秦守中林出處雖殊跡明月兩知心

將往縣城戀新竹聞崔都水示端

停車欲去繞羣竹偏愛新筠十數竿莫遣兒童觸瓊粉留待幽人迴
日看

還闕首途寄精舍親友

休沐日云滿冲然將罷觀嚴車候門側晨起正一作整朝冠山澤舍
餘兩川澗注驚湍攬轡遵東路一云登前路迴首一長歎居人已不
見高閣在林端

秋夜南宮寄澧上二弟及諸生

暝色起煙閣沉抱積離憂况茲風雨夜蕭條梧葉秋空宇感涼至顏
顏驚歲周日夕遊闕下山水憶同遊

塗中書情寄澧上兩弟因送二甥却還

華簪豈足戀幽林徒自違遙知別後意寂寞掩郊扉迴首昆池上更
羨爾同歸

雪後一作雪中朝呈省中一絕

南望青山滿禁闈曉晴鸞鷺正差池共愛朝來何處雪蓬萊宮裏拂
松枝

韋蘇州集卷第二

韋蘇州集卷第三

蘇州刺史韋應物

寄贈下六十二首

寄柳州韓司戶郎中一首

寄令狐侍郎一首

閑居寄端及重陽一首

園林晏起寄昭應韓明府盧主簿一首

寄大梁諸友一首

新秋夜寄諸弟一首

郊園聞蟬寄諸弟一首

寄中書劉舍人一首

郡齋感秋寄諸弟一首

郡中對雨贈元錫兼簡楊凌一首

冬至夜寄京師諸弟懷崔都水一首

元日寄諸弟兼呈崔都水一首

寄職方劉郎中一首

社日寄崔都水及諸弟羣屬一首

寒食日寄諸弟一首

贈李儋侍御一首

寄楊協律一首楊詩附

郡齋贈王卿一首

簡恒璨一首

閑居寄諸弟一首

登樓寄王卿一首

寄暢當一首

贈崔員外一首

寄李儋元錫一首

京師叛亂寄諸弟一首

贈琮公一首

寄諸弟一首

寄恒璨上元一首

簡郡中諸生一首

寄全椒山中道士一首

寄釋子良史酒一首

重寄一首

答釋子良史送酒瓢一首

簡陟巡建三甥一首

覽褒子臥病一絕聊以題示一首

寄璨師一首

寄盧陟一首

塗中寄楊龜茲緒示褒子一首

宿永陽寄璨律師一首

雪行寄褒子一首

寄裴處士一首

偶入西齋院示釋子恒璨一首

示全真元常一首

寄劉尊師一首

寄廬山樓衣居士一首

因省風俗與從姪成緒遊山水中道先歸寄示一首

寒食寄京師諸弟一首

歲日寄京師諸季端武等一首

簡盧陟一首